


上清河圖寶錄
九天真人官殿並取宜裝黑炁並青色

寶六



陽明太尉府九百二十品九億萬諸靈官飛
龍騎吏繡衣使者玉童玉女各九億萬人
陰精上宰府五百五十品九億萬諸靈官飛
龍騎吏繡衣使者玉童玉女各九億萬人
真人司空府七百七十品九億萬諸靈官飛

上清河圖寶錄

龍騎吏繡衣使者玉童玉女各九億萬人
玄冥游擊府八百品九億萬諸靈官飛龍騎
吏繡衣使者玉童玉女各九億萬人
丹元斗君府七百二十品九億萬諸靈官飛
龍騎吏繡衣使者玉童玉女各九億萬人
北極太常府七百七十品九億萬諸靈官飛
龍騎吏繡衣使者玉童玉女各九億萬人
天關上帝府七百品九億萬諸靈官飛龍騎
吏繡衣使者玉童玉女各九億萬人
輔天尊玉帝府九百九十品九億萬諸靈官
飛龍騎吏繡衣使者玉童玉女各九億萬人
弼天帝真府九百九十品九億萬諸靈官飛
龍騎吏繡衣使者玉童玉女各九億萬人
已下符並朱書



一陽明星天之太尉主非上總九天土真中
監五嶽飛仙下領後學真人天地神靈功
過輕重圍九百二十里有青城玉樓樓斗
真人號九晨君姓上靈諱搖天桓九晨玉
冠青羽飛裳執斗玄圖坐樓中知內諸者
玉晨下映飛行太空
二陰精星天之上宰主祿位上總天宿下領
萬靈及學仙之人圍五百五十五里有五
色玉樓舉魁真人號北上晨君姓育嬰諱
激明光玄精玉冠玄羽飛裳執五色羽節
三真人三天之司空主神仙上總九天高真
中監五嶽靈仙下領學道之人圍七百七十
里有黃臺玉樓真人號主仙華神君姓歸
珽諱度衆暗飛晨寶冠青羽飛裳執斗中
青錄
四玄冥星天之游擊主伐道上總九天鬼神
中領北帝三官下監萬兆圍八百里有朱

臺玉樓步斗真人號玄上飛蓋晨君姓冥
樞諱搖天柱三華寶象冠丹錦飛裳執曜
靈之節

五丹元星天之斗君主命錄籍上總九天諸
籙中統鬼神簿目下領學真飛真命籍諸

天諸地莫不總統圍七百二十里有素臺
金樓躡紀真八號金魁七晨君姓上開諱

變五道七寶飛天冠白錦飛裙執青元錄籍
六北極星天之太常主昇進上總九天上真

中統五嶽飛仙下領學者階級圍七百七
十里有玄臺玉樓步網真人號北晨飛華

君姓明靈諱昌上元飛精華冠紫錦飛裳
執九斗玉策

七天關星天之上同主天地機運四時長短
否泰劫運圍九百里有九層玉樓乘龍真

人號總靈九元北蓋晨君姓玄樞諱開天
徒九元寶冠九色錦裳執暉神之印

八輔星天尊玉帝之星日常陽也主飛仙上
總九天下領九地五嶽四瀆神仙之官圍

九百九十里紫氣玉樓遊行三命真人

號帝尊九晨君姓精常諱空上開正延飛
精玉冠九色鳳衣執火鈴

九翔星太帝真人星日空隱也主變化无方
圍九百九十里有玉臺紫館徘徊三陽真

人號帝真元晨君姓幽空諱冥陽暉幽寒
飛天玉冠九天龍衣執帝帝章

一天樞星元斗宮中魁精玄上真皇夫人姓
明通諱育嬰真名幽飛雲華顏之警

紫黃青三色楊帶九鈴綾口恒吐青氣光
注陽明星

二天旋星玄魁宮中靈精上玄皇夫人姓玄鏡
諱鬱勃光真名三飛錦羅裙鳳文錦

帔帶靈飛紫綾口常吐黑氣光注陰精星
三天機星上精宮中靈妃元皇夫人姓常陽

諱化真真名建建晨嬰寶冠飛雲明
光錦楊帶六山飛晨綾口常吐黃氣光注

真人星
四天權星網極宮中上靈神如華皇夫人姓開
生諱運明真名珀七稱玉冠飛羅鳳

文楊金真玉光口常吐赤氣光注玄冥星

五玉衡星靈開宮中北上金蓋中皇夫人姓
元方諱神武真名紫紫晨飛華冠九

色楊帶神虎玉文口常吐白氣光注丹元星
六閭陽星飛極宮中安上晨華元皇夫人姓

王元諱根華真名玉玉晨進賢冠飛
青羽楊帶流金火鈴口恒吐綠氣光注北

極星
七瑤光星運天宮中玉華靈皇夫人姓慶無
諱終會真名飛飛華雲顏髻七色夜

光雲錦帶九色錦帔帶天威靈玉策口常
吐赤氣光注天關星

八洞明星空英宮中太常皇夫人姓幽昇諱
元運真名雲類雲髻飛羅文楊帶九

光綾口常吐青氣光注輔星
九空玄變靈上皇夫人姓冥通諱萬光真名

七七稱玉符青文錦帶帶九光夜楊
口常吐黑氣光注弼星

一訴彼之非明此之是過他之惡伸己之善
自責而不怨人通理而神所祐除罪延福

告請天之太尉第一玉皇君

二陰陽學官干祿求位告請天之上宰第二

玉皇君

三學道期仙通神達聖告請天之司空第三

玉皇君

四制伏鬼神惡逆誅伐幽顯凶邪告請天之

游擊第四玉皇君

五立功建德益算延年告請天之斗君第五

玉皇君

六屈滯疾厄乞申希免告請天之太常第六

玉皇君

七天地否激氣候不調告請天之上帝第七

玉皇君

八樓却衆災飛上獲下告請天之尊玉帝第八

玉皇君

九變化無方應救一切告請天之太常第九

玉皇君

右九皇君九夫人內姓隱諱知之延壽千千年常夕夕觀之想見皇君夫人形相威光憶其姓諱諦存在心得見第八九星延壽無窮九皇君九夫人是九氣之魂精九天之魄靈

九皇之妙象九化之威神男女學道佩帶懸

之出入往來坐卧思真憂患疾厄救病扶衰

修身濟物常存識之災消禍散享福通神有

急之日竹素衣朱筆書符向北再拜并華水

服之服之起一周九更始若一二三憂除疾

愈便可息無他呪言唯存九諱勸立善功九

年不懈必復神通玉皇要旨慎勿妄宣秘而

修之位為真人元君交遊上聖三清元君真

人受之裂素立圖啓告而傳秘諱心存則成

仙也

凡受河圖先請九皇內諱對齊九日七日五

日三日一日隨時設辭啓告齋日限竟山館

壇堂唯請閉靜乃表奏如左

上清河圖寶錄

續六

四斗二十八宿天帝大錄

續七

其號某年太歲某月日子上建某州郡縣鄉

里男女姓名年如干歲某月某日生屬

此斗第幾星君係

諸天二十八宿今在某已謹齋信抱詞列誓

終身奉受不敢輕易違師叛道更從異學嫉

忌兩戾不忠不孝不仁不義愛養百姓恭敬

萬神斷諸酒肉清靜身心不貪不慾不憎不

嫉救度一切鹹滅千邪和天安地保國寧人

輔佐帝王敷明聖道不諂不佞不謹不諂謙

卑退讓先人後己貞淳敦厚恪勤養復事上

接下視如手足若犯約違盟棄真就偽某已

與七祖父母長淪地獄風刀萬劫不致有言

一如

太上玄都律令

東方九炁青天蒼龍七宿籙文

箕星中靈官神仙兵馬九萬人

太皇黃曾天中神仙兵馬九萬人

都官功曹各九人

尾星中靈官神仙兵馬九萬人